


Jān Būreejtōn Henry B. Eyring

Rikakpilōklōk eo Kein Kajuon ilo
Būreejtōnji eo Kein Kajuon



Tōprak Eo jān Kijejeto

Ke ikar juon likao, ikar jermal ilo Kabuñ in ainwōt juon rikakpilōklōk ñan juon district būreejtōn eo emāletlet. Ekar kajjieōn aolep iien ñan katakin eō. Ij keememej kapilōk eo juon iien ekar jiroñ tok eō: “Ñe kwoj ioon juon armej, kōmṡman ñan e eļaññe ej pād ilo jorrāan ļapļap, im kwonaaj jīmwe eiten aolep iien.” Innām ikar ļōmṡnak bwe ekar juon eo me ejjelōk kōjatdikdik ippān. Kiiō, elōñļok jān 50 iiō tokālik, imaroñ lo joñan an meļeļe kōn ļaļ in im mour in.

Kōj aolep jej jelmāe mālijoñ ko—elōñ iien ko, mālijoñ ko reppen. Jejeļā bwe Irooj ej kōtļok ad jelmāe mālijoñ ko ñan kōj bwe jen karreo im wāppen bwe jen maroñ pād Ippān ñan indeeo.

Irooj ekar katakin Rikanaan Josep Smith ilo Jikin Kalbuuj Liberty bwe tōprak eo kōn kijejetoki mālijoñ ko an enaaj jipañ bwe en maroñ ekkar ñan bōk mour indeeo.

“Nejū ṡaan, aenōmṡman en ñan am; mennin jumāe kein am im eñtaan kein am renaaj ñan jidik wōt iien;

“Innām, eļaññe kwo naaj kijejetoiki emṡman, Anij enaaj kotak eok ijo eutie; kwo naaj anjō ioon aolep rijumāe ro am” (K&B 121:7–8).

Elōñ men ko rej joon tok kōj ilo mour in me remaroñ pen ad kijenmeji. Wāween in emaroñ waļok ñan juon baamle eo me rej pedped wōt ioon jikin kallib ko aer ñe ejjelōk wōt. Remaroñ ba, “Ewi aitokan ad naaj jelmāe menin?” Wāween in emaroñ waļok ñan juon jodikdik eo me ekar jelmāe ilo an jumāe ibebtōk in men ko renana im kapo

ko. Wāween in emaroñ waļok ñan juon likao eo me ej kate bwe en bōk jeļāļokjeñ ak kamminene eo ej aikuji ñan juon jermal ñan jipañ kōrā eo pāleen im baamle eo an. Wāween in emaroñ waļok ñan juon armej eo me ejjab maroñ lo juon jermal ak juon armej eo eluuj jermal eo ak pejneļ eo emōj an kilōk. Wāween in emaroñ waļok ñan armej ro rej nañinmej-mejļok im ṡōjṡoļok ānbwinnier, eo me emaroñ itok ṡokta ak tokālik ilo mour ko aer ñan er ak ñan ro rej iakwe.

Ak juon Anij eo ej iakwe ekar jab kōmṡmani kain teej kein imāan mejād jab wōt ñan lale ñe jemaroñ kijenmeji ilo aer eppen ak ijjelōkin ñan lale ñe enej emṡman ad kijenmeļeļe kōn im bwe jen erom ro rereeo.

Būreejtōnji eo Kein Kajuon ekar katakin Elder Parley P. Pratt (1807–57) ke kar kūrī ainwōt juon membōr ekāal ilo Douluul eo an Joñoulruo Rijilōk ro: “Kwoj bōk koṡaam ilo juon jekjek eo me enaaj aikuji aolepān am; . . . eromṡ juon jābe erreō. . . . Kwoj aikuj kijenmeļeļe kōn jermal ko reppen, reļļap, im elōñ wōt mālijoñ ko renaaj eromṡ kajoor. . . . Jemedwōj Ilañ ej aikuji; jikin kallib in ej An; jermal in ej An; Enaaj pinniki eok . . . im kotak lōñļok eok.”¹

Ilo bok in Hibru, Paul ej kōnono kōn leen kijejeto: “Jabdwōt kaje, ilo iien in e jab men in ṡōñōñō, a men in būromōj; ijoke tokālik ej jebar leen kwōjarjar e aenōmṡman ñan ro emōj kajeik er kake” (Hibru 12:11).

Mālijoñ ko ad im men ko reppen rej letok ñan kōj iien ko remṡman ñan ad katak im eddōkļok, im aaet remaroñ ukōt paaktokid. Eļaññe jemaroñ oktakļok ñan Riļomqor

eo ilo iien ko reppentata ilo mour ko ad, jetōb ko ad remaroñ ej jatōltōllōk eļāñne jej kijenmej.

Kōn menin, men eo jinointata ñan keememej ej bwe jen jar aolep iien (lale K&B 10:5; Alma 34:19–29).

Men eo kein karuo ej bwe jen wōnmaañlōk im pokake kien ko—mekarta jumae ko, kapo ko, ak aenwāñwā ko ipeļaaqid (lale Mosaia 4:30).

Men eo kein kajilu epen ñan kōmṁmane ej ñan jerbāl ñan Irooj (lale K&B 4:2; 20:31).

Jān ad jerbāl ilo jerbāl in an Irooj, jej jeļālōk wōn E im iakwe E. Jenaaj, eļāñne jej kajjieoñ wōt ilo jar im tiljek ilo jerbāl, jej jino loe pein Rilōmṁṁor eo im kareel ko an Jetōb Kwojarjar ilo mour ko ad. Elōñ iaadwōj rekar kōmṁman kain jerbāl rot in ilo juon iien im jekar eñjake jemjerā in. Eļāñne kwonej rieliklōk im lōmṁnak kōn iien ñe, kwonaaj keememej bwe ekar wōr oktak ko ilo kwe. Kapo ko ñan kōmṁman men ko nana rej diklōk. Kōṁnaan eo ñan kōmṁman emṁman ej ļaplōk. Ro me relukkuun jeļā kōn kwe im rej iakwe eok remaroñ kar ba: “Emōj aṁ oktaklōk im joujōk im ļaplōk aṁ jeļā kemmaanwa. Āinwōt ilak lale kwe, kwoj juon armej eoktaklōk.

Āinwōt ejjab kwe ñe. Kwaar oktak kōn Pinmuur eo an Jisōs Kraist kōnke kwaar pedped wōt ilo E ilo iien mālijjoñ ko aṁ.

Ij kallimuri eok bwe Irooj enaaj itok im jipañ eok ilo mālijjoñ ko aṁ eļāñne kwoj pukōt im jerbāl ñan E im bwe jetōb eo aṁ enej jino jatōltōllōk. Ij kajjitōk ippaṁ bwe kwōn likūt aṁ lōke ilo E ilo aolep apañ ko aṁ.

Ijeļā bwe Anij Jemed ej mour im bwe E ej roñjake im uwaaki jar ko ad aolep. Ijeļā bwe Nejin, Jisōs Kraist, ekar kōļļaik wōṁāān aolep jerawiwi ko ad im bwe E ekōṁnaan bwe jen itok ñan E. Ijeļā bwe Jemed im Nejin rej emejrake kōj im rekar kōpooje juon iaļ bwe jen kijejeto im bwe jen bar rooltok ñan kapijuknen eo ad.

KAKEEMEMEJ KO

1. *Autobiography of Parley P. Pratt*, ed. Parley P. Pratt Jr. (1979), 120.

KATAKIN JĀN ENNAAN IN

Kōj wōj aolep ewōr ad apañ ko me rej mālijjoñ e tōmak eo ad im maroñ eo ad ñan niknik maañlōk wōt. Lōmṁnak kōn aikuj ko im apañ ko an ro kwoj katakin.

Mokta jān loļōk, komaroñ jar kōn tōl bwe kwōn maroñ jeļā ewi wāween aṁ maroñ jipañ er niknik maañlōk. Komaroñ lōmṁnak in kōnono kōn pedped kein jimor im eoon ko Būreejtōn Eyring ekar kwaļōki, ekoba jar, jerbāl, im kōjparok kien ko. Komaroñ barāinwōt kwaļōk jān eñjake ko aṁ make kōn wāween aṁ kar jeraamṁman ilo wāween ko me rekar jipañ eok niknik maañlōk wōt.

JODIKDIK RO

Ke Eo Mōtta Ekar Mej

Jān Samantha Linton

Ke ikar pād ilo kūlaaj 11 ilo high jikuul, eo mōtta ekar wōr an nañinmej in kōmālij im raan eo tok juon ekar mej. Meñe ikar juon membōr in Kabuñ in, ikar kakkōt wōt. Ikar ekkatak ilo aolepān mour eo aō bwe imaroñ oktaklōk ñan Jemedwōj Ilañ im Rilōmṁṁor eo kōn jabde wōt men, ak iijañin kar jelmāe wāween in kar ṁokta.

Ikar jañ elōñ awa ko, kajjieoñ pukōt juon men—jabdewōt men—ñan kaenōmṁman eō. Boñōñ eo ālkin an kar mej, ikar oktaklōk ñan bok in al eo. Ke ij ālōk peij ko, ikar bōjrak ilo “Abide with Me; ‘Tis Eventide” (*Hymn*, no. 165). Eoon jilu ekar emṁman ippa:

Pād ippa; “Mae ejemlōk rainin,

Im boñōñ in inaaj make iaaō

Eļāñne ijjab maroñ bwebwenato lppām,

Barāinwōt loe meram ilo kwe.

Marok jilōñlōñ eo an laļ in, ij mijake,

Pād ilo kapijuknen eo aō.

O Rilōmṁṁor, pād ippa ilo boñōñ in;

Lo, ṁae ejemlōk rainin.

Eoon in ekar letok ñan eō eļap aenōmṁman. Innām, ijeļā bwe ejjab ñan an Rilōmṁṁor eo pād ippa boñōñ in ak Ebarāinwōt jeļā ewi wāween aō eñjake. Ijeļā bwe iakwe eo ikar eñjake jān al in ekar jab letok wōt ñan ña kajoor ilo boñōñ eo bōtaab ekar kōkajoorlōk eō jān elōñ mālijjoñ ko ikar jelmāi.

Rijeje eo ej jokwe ilo Utah, USA.

Komaroñ download “Abide with Me; ‘Tis Eventide” ilo lds.org/go/7176.



Bwe Ren Juon

*Kanooj jar ilo aṅ ekkatak kōn katak in im pukōt nān jeļā ta eo kwonaaj kwaļok.
Ekōjkan ad naaj meļeļe unleplep eo an Douluul eo an Kōrā ro rej kōpooj leddik ro nejin
Anij nān kōjeraaṃṃan ko an mour indeeo?*

Tōmak, Baamļe, Deeor

“Jisōs ekar lukkuun bōro kuk Jippān Jemān ilo An kar leļok E make, jimor ilo kanniōk im jetōb, nān ankilaan Jemān,” Elder D. Todd Christofferson jān Douluul eo an Joñoulruo Rijilōk ro ekar katakin.

“. . . Emool jej jāmin juon ippān Anij im Kraist māe iien Ankilaer im ikdeelel ko aer rej ikdeelel ko ad reļļaptata. Kain wūjleļok rōt in ejjab maroñ tōprak ilo juon raan, ak kōn Jetōb Kwojarjar eo, Irooj enaaj katakin kōj eļāñne jej mōṅōṅō māe iien, ilo tōre eo jej jermal e, ejejjet kar kōnono kake bwe E ej ilo kōj āinwōt an Jemān pād ilo E.”¹

Linda K. Burton, Būreejtōn eo Eutiej an Douluul eo an Kōrā ro, ekar katakin ewi wāween ad māṃōde jermal in ippān doon: “Kōmṃan im kōjparok bujen ko ad ej juon ad wūjleļok nān erom āinwōt Rilōmqor eo. Unleplep eo ej nān kajjieoñ ṃanit ko remṃantata me

rej walok ilo juon iaan al in jar eo emṃan: Inaj ilok ijo *kwōjkōṅan* bwe in ilok. . . . Inaj ba ta eo *kwōj* kōṅan bwe in ba. . . . Inaaj erom wōt *juon eo* kwoj kōnan.”²

Elder Christofferson ekar barāin-wōt kakeememej kōj bwe “ilo ad kijejeto raan nān raan im wiik nān wiik nān ļoor iaļ an Kraist, ad jetōb enaaj deļoñ ilo an kakkije, tariṅae ko ie renaaj dikļok, im kapo ko reban kainezata.”³

Neill F. Marriott, Rikakpilōklōk eo Kein Karuo ilo Būreejtōnji eo an Douluul eo an Jiroñ ro, ej kwaļok naan in kaṃool eo an kōn kōje-raaṃṃan ko ilo ad kajejjet anki-laad ippān ankilaan Anij: “Epen aō kar joļok kōnaan ko an laļ in nān kōṅaan ko aō make, aet kile bwe kōnaan ko *aō* relikjab, ewōr joñaer, im rejjab jejjet nān wāween eo an Jisōs Kraist. Wāween eo an [Jemed-wōj Ilañ] ej iaļ eo me ej tōl kōj nān

mōṅōṅō ilo mour in im mour eo ej itok.”⁴ Jen kajjieoñ ilo ettā juon wōt ippān Jemedwōj Ilañ im Nejin, Jisōs Kraist.

Kakobaba in Eoon ko im Meļeļe ko

Jon 17:20–21; Epesōs 4:13;
Katak im Bujen ko 38:27;
reliefsociety.lds.org

KAKEEMEMEJ KO

1. D. Todd Christofferson, “That They May Be One in Us,” *Liahona*, Nov. 2002, 72, 73.
2. Linda K. Burton, “Kajoor, Lañlōn, im Iakwe nān Kōjparok Bujen,” *Liaona*, Oktoba. 2013, 111.
3. D. Todd Christofferson, “That They May Be One in Us,” 71.
4. Neill F. Marriott, “Kwaļok Būruwōd nān Anij,” *Kweilok eo Eļap*, Okt. 2015, 32.

Ļōmṃak kōn Menin

Ewi wāween an Anij jipañ kōj erom āinwōt E ñe jej kōṃanṃan Ankilaan?